



MES 9 21 00009-40/2



02/09/2021

**ხელშეკრულება
სახელმწიფო შესყიდვის შესახებ N09-40/2**

ქ. თბილისი “---”-----“2021 წ.

შემსყიდველი: საქართველოს განათლებისა და მეცნიერების სამინისტრო, ეკონომიკური დეპარტამენტის უფროსის ფუნქციითა შემსრულებლის ნანა ხმაღაძის სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი: 202051224;

მიმწოდებელი: ააიპ "ოჯახები დისკრიმინაციის წინააღმდეგ", წარმოდგენილი დირექტორის მარინე კორკოტაძის სახით,

მისამართი: ქ.თბილისი, ანა პოლიტკოვსკაიას ქ., N41, ბინა 140

ტელ: +995 599050830

საბანკო რეკვიზიტები: ს.ს. ლიბერთი ბანკი, LBRTGE22, ა/ა GE49LB0115143193437000

საიდენტიფიკაციო კოდი: 405109001

ერთი მხრივ - შემსყიდველი და მეორე მხრივ - მიმწოდებელი, **NAT210015223** ელექტრონული ტენდერის (აუქციონის გარეშე) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის/მომსახურების მიწოდებას ხელშეკრულების ფარგლებში.

1.6 „საქონელი/მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანია აუტიზმის სპექტრის დარღვევის მქონე პირების პროფესიულ განათლებაში ეფექტიანი ტრანზიციის/ჩართვის მექანიზმის შემუშავებისა და პილოტირების მომსახურების (CPV: 80300000) შესყიდვა. რომლის აღწერილობა მოცემულია ხელშეკრულების დანართში.

3. ხელშეკრულების ჯამური ღირებულება

3.1 ხელშეკრულების საერთო ღირებულება შეადგენს **22'200** (ოცდაორი ათას ორასი) ლარს.

3.2 შესყიდვის ობიექტის ერთეულის ფასებია:

I ეტაპი: სხვადასხვა ქვეყნის გამოცდილების დამუშავება და მოდელის სქემის/ჩარჩოს შემუშავება და წარდგენა 6'660 (ექვსი ათას ექვსას სამოცი) ლარი;

II ეტაპი: მოდელის სამუშაო ვერსიის შემუშავება და გაცნობა 6'660 (ექვსი ათას ექვსას სამოცი) ლარი;

III ეტაპი: ტრანზიციის მოდელის პილოტირება 4'440 (ოთხი ათას ოთხას ორმოცი) ლარი;

IV ეტაპი: ტრანზიციის მოდელის საბოლოო ვერსიის მომზადება პილოტირების შედეგების და დამკვეთისგან მიღებული უკუკავშირის გათვალისწინებით 4'440 (ოთხი ათას ოთხას ორმოცი) ლარი;

3.3 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება განხორციელდება ორ ეტაპად, შესრულებული პროდუქტების მ ი ბ ე დ ვ ი თ :

ტექნიკურ დავალებაში აღწერილი მეორე ეტაპის ბოლოს - ტრანზიციის მოდელის წარმოდგენის შემდეგ (მოდელის პილოტირებამდე); პილოტირების შემდგომ - პილოტირების შედეგების და ტრანზიციის მოდელის საბოლოო ვერსიის წარმოდგენის შემდეგ.

4.3 მიმწოდებელთან ანგარიშსწორება განხორციელდება მიღება-ჩაბარების აქტის გაფორმების საფუძველზე, ხელმოწერიდან 10 სამუშაო დღის განმავლობაში.

4.4 მიმწოდებლის მოთხოვნის შემთხვევაში, დასაშვებია წინასწარი ანგარიშსწორება არაუმეტეს ხელშეკრულების ღირებულების 30%-ის ოდენობით, კანონმდებლობით დადგენილი პროცედურების დაცვით.

4.5 დაფინანსების წყარო: 2021 წლის სახელმწიფო ბიუჯეტი, "ინკლუზიური სწავლების ხელშეწყობის პროგრამის" (პროგრამული კოდი - 32 06 01) „ინკლუზიური განათლების განვითარების ხელშეწყობა პროფესიული განათლების საფეხურზე“ ქვეპროგრამა.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს პროფესიული განათლების განვითარების დეპარტამენტის უფროსი ან მისი არყოფნის შემთხვევაში ფუნქციათა შემსრულებელი.

6. შესყიდვის ობიექტის მიწოდების ვადა და ადგილი

6.1 განსახორციელებელი მომსახურების ეტაპები:

1. პირველი ეტაპი - სხვადასხვა ქვეყნის გამოცდილების დამუშავება და მოდელის სქემის/ჩარჩოს შემუშავება, რომელშიც დეტალურად იქნება აღწერილი თუ რა საკითხებს უნდა მოიცავდეს მოდელი. შემუშავებული დოკუმენტის დამკვეთისთვის გაცნობა და მიღებული უკუკავშირის თანახმად, საჭირო ცვლილებების განხორციელება -1 თვე (ხელშეკრულების გაფორმებიდან პირველი თვე).
 2. მეორე ეტაპი - მოდელის პირველადი ვერსიის მომზადება, დოკუმენტის დამკვეთისთვის გაცნობა და მიღებული უკუკავშირის თანახმად, საჭირო ცვლილებების განხორციელება - 1 თვე (ხელშეკრულების გაფორმებიდან მეორე თვე).
 3. მესამე ეტაპი - ტრანზიციის მოდელის პილოტირება, პროცესის და მიღებული შედეგების დოკუმენტირება და დამკვეთისთვის გაცნობა - 1 თვე (ხელშეკრულების გაფორმებიდან მესამე თვე).
 4. მეოთხე ეტაპი - ტრანზიციის მოდელის საბოლოო ვერსიის მომზადება პილოტირების შედეგების და დამკვეთისგან მიღებული უკუკავშირის გათვალისწინებით 1 თვე (ხელშეკრულების გაფორმებიდან მეოთხე თვე).
- მე-2 და მე-4 ეტაპის ბოლოს, მიმწოდებელმა უნდა წარმოუდგინოს შემსყიდველს განხორციელებული სამუშაოს შესახებ ანგარიში და მე-2 და მე-4 ეტაპების ბოლოსთვის განსაზღვრული საბოლოო პროდუქტები. მიმწოდებელმა უნდა გაითვალისწინოს შემსყიდველის მოსაზრებები და შენიშვნები და ასახოს ცვლილებები წარმოდგენილ პროდუქტებში.

6.2 შესყიდვის ობიექტის მიწოდების ადგილი: ქ.თბილისი, დ. უზნაძის ქ. N52

7. მხარეთა უფლება-მოვალეობები

- 7.1 მიმწოდებელი ვალდებულია გაუწიოს შემსყიდველს ხელშეკრულებაში მითითებული მომსახურება წინამდებარე ხელშეკრულებით გათვალისწინებულ ვადაში. იგი პასუხისმგებელია გაწეული მომსახურების ხარისხზე;
- 7.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 7.3 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

- 8.1 შესყიდვის ობიექტი მიღებულად ჩაითვლება მხოლოდ შემდეგი პირობებით:
 - 8.1.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს ხელშეკრულების პირობებთან შესაბამისობას და ადასტურებს შესაბამისი დასკვნებით, ხოლო ამის შემდეგ მიმწოდებელსა და შემსყიდველს შორის ფორმდება მიღება-ჩაბარების აქტი.
- 8.2 ხელშეკრულების 8.1 პუნქტით გათვალისწინებულ კონტროლს განახორციელებს ქვეპროგრამის კოორდინატორი მაია წულაძე.
- 8.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,02%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს **2022 წლის 31 იანვრამდე**, მხარეთა მიერ ნაკისრი ვალდებულებების სრულად შესრულებამდე.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 ხელშეკრულება შედგენილია ელექტრონულად.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მიმწოდებელი

დირექტორი

მარინე კორკოტაძე

შემსყიდველი

**ეკონომიკური დეპარტამენტის უფროსის ფუნქციათა შემსრულებელი
ნანა ხმაღაძე**



ეკონომიკური დეპარტამენტი
დეპარტამენტის უფროსის ფუნქციათა
შემსრულებელი
ხმაღაძე ნანა



დანართი

აუტიზმის სპექტრის დარღვევის მქონე პირების პროფესიულ განათლებაში ტრანზიციის (გადასვლის) ხელშეწყობის მექანიზმის (მოდელის) შემუშავება და პილოტირება

საკითხის აქტუალობა

საქართველოს განათლებისა და მეცნიერების სამინისტრომ 2013 წლიდან დაიწყო პროფესიული განათლების საფეხურზე ინკლუზიური განათლების დანერგვა. აღნიშნული პერიოდიდან სამინისტრომ სპეციალური საგანმანათლებლო საჭიროების მქონე და შეზღუდული შესაძლებლობის მქონე პირების პროფესიული განათლების ხელშეწყობად, სხვადასხვა მხარდაჭერი ღონისძიება და ცვლილება განახორციელა როგორც საკანონმდებლო, ასევე, პრაქტიკულ დონეზე.

ინკლუზიური პროფესიული განათლების ხარისხიანად უზრუნველსაყოფად, ერთ-ერთ უმნიშვნელოვანეს ამოცანას წარმოადგენს სპეციალური საგანმანათლებლო საჭიროების მქონე და შეზღუდული შესაძლებლობის მქონე პირების პროფესიულ განათლებაში წარმატებული ტრანზიცია, რაც თავის მხრივ სხვადასხვა წინა მოსამზადებელ ღონისძიებებს მოითხოვს როგორც პიროვნების, ასევე გარემოს დონეზე.

2021 წლისთვის, საქართველოს განათლებისა და მეცნიერების სამინისტროს დაგეგმილი აქვს აუტიზმის სპექტრის დარღვევის მქონე პირების პროფესიულ განათლებაში წარმატებული ტრანზიციის (გადასვლა-ჩართვის) მოდელის შემუშავება.

შესასრულებელი სამუშაოს აღწერა

მიმწოდებელმა უნდა უზრუნველყოს აუტიზმის სპექტრის დარღვევის მქონე პირების პროფესიულ განათლებაში წარმატებული ტრანზიციის მექანიზმის (მოდელის) შემუშავება და პილოტირება.

აღნიშნული მოდელი უნდა ითვალისწინებდეს აუტიზმის სპექტრის დარღვევის მქონე პირების სპეციფიკურ საჭიროებებს ახალ საგანმანათლებლო და სამუშაო გარემოში გადასვლის კუთხით აღწერდეს ეფექტიანი ტრანზიციის მექანიზმებს.

მოდელი უნდა ითვალისწინებდეს აუტიზმის სპექტრის დარღვევის მქონე პირების პროფესიულ განათლებაში ტრანზიციის ეფექტიან მექანიზმებს ყველა შესაძლო გარემოდან - როგორც ზოგადი განათლების საფეხურიდან, ასევე, სხვა ნებისმიერი გარემოდან (მაგ.: დღის ცენტრი, სახლი).

შემუშავებული ტრანზიციის მექანიზმი უნდა ითვალისწინებდეს ადგილობრივ კონტექსტს და ქვეყანაში არსებულ რესურსებს, ასევე, როგორც პიროვნების, გარემოს (მათ შორის პროფესიული საგანმანათლებლო დაწესებულებების) დონეზე განსახორციელებელ მოსამზადებელ ღონისძიებებს.

ტრანზიციის მოდელის შემუშავებამდე, მიმწოდებელს მოეთხოვება სხვადასხვა განვითარებული ქვეყნის მსგავს გამოცდილებასთან გაცნობა და მოკლე მიმოხილვის მომზადება. ასევე, მიმწოდებელი უნდა გაეცნოს პროფესიულ განათლებასთან და ინკლუზიურ პროფესიულ განათლებასთან დაკავშირებულ მარეგულირებელ დოკუმენტებს და პროფესიულ საგანმანათლებლო დაწესებულებებში ინკლუზიური განათლების მიმდინარე პრაქტიკას.

შემუშავებული მოდელი უნდა აღწერდეს აუტიზმის სპექტრის დარღვევის მქონე პირების პროფესიულ განათლებაში ტრანზიციის ხელშეწყობის მექანიზმებს და პროცედურებს, ასევე, აღნიშნულ პროცესის ეფექტიანად უზრუნველყოფისთვის საჭირო რესურსს და ადმინისტრირების საკითხებს, რაც თავის მხრივ, საქართველოს კონტექსტზე უნდა იყოს მომზადებული.

მიმწოდებელმა უნდა მოახდინოს შემუშავებული მოდელის პილოტირება აუტიზმის სპექტრის დარღვევის მქონე სულ მცირე ერთ პირთან მიმართებით. მიმწოდებელმა პილოტირების შედეგები უნდა გაითვალისწინოს ტრანზიციის მოდელის საბოლოო ვერსიაში.